

(...)

Testament de damoyselle
elienor du solier

grossoye

Au nom de dieu soyt amen scaichent tous
presans et advenir que ce()jourd huy **septiesme**
du moys de **may mil v^c septante huict**
en **villemur** au diocese de mo(n)t(aub)an et sen(echau)cee de th(ou)l(ous)e
regnant tres()chrestien prince henry par la
grace de dieu roy de france et de pologne et
dans la **maison de** mons(ieu)r m(aîtr)e **jehan de()busquet**
licen(cié) en droictz juge ordinaire dud(it) villemur
en presances de moy not(aire) soubzsigne et des
tesmoings bas nommes / a este en [per]sonne
damoyselle **helienor du solier filhe de feu**
mons(ieu)r m(aîtr)e **jehan du()solier doct(eur) en droictz**
juge de terrebase laquelle estant sur ung
lict d()une chambre haulte de lad(ite) maison et
du devant de la rue / detenue d aulcune
maladie corporelle toutesfois bien voyant
ouyssant [par]lant [co]gnoissant et estant en ses
bon sens et [par]faicte memoire non induicte
seduicte ny subornee de [per]sonne [com]me a dict
mais de son bon gre et bonne volente a faict
et ordonne son testament nuncupatif de derniere
volunte en la forme et maniere suyvens

.....
xvi

en premier lieu lad(ite) helienore]test[du solier
testatrix en tous et ch(ac)uns ses biens meubles
et immeubles noms droictz voix et actions a
faicte et()institue son herectiere g(enar)alle et universelle
et l()a nommee de sa [pro]pre bouche damoyselle
honorete de saint estienne sa mere pour desd(its)
biens et()heredite en faire et disposer [par]
lad(ite) de saint estienne a()ses plaisirs et voluntes
tant a la vye q(u') a la mort et ce dessus
lad(ite) helienor du solier testatrix a voulu estre
son der(nier) testament nuncupatif et derniere
volunte cassans revocquans annullans tous
au(tr)es testamens codicilles ou donna(ti)ons si aulcuns
ou aulcunes y en avoyt de faictz ou faictes
[par] elle le temps passe excepte le p(rese)nt
qu()elle veult qu()il dem(e)ure en son efficace et
valle(ur) et veult que vailhe et()soyt valable

[par] droict de testament nuncupatif et s()il ne
valoyt ou pourroyt valloir [par] droict de
testament nuncupatif veult que valhe et
soyt valable [par] droict de codicille et
s()il ne valoyt ou pourroyt valoir [par] droict
de codicille veult que valhe et soyt valable
[par] donna(ti)on faicte a cause de mort et [par] tout
au(tr)e droict uz stil et melheure forme
qu()il pourra mieulx et plus valoir requerant
et priant les tesmoings bas nomme et [par] elle
cogneuz ecepte ramond grinde et jehan borel
de bondigoux l(ui) en souvenir et en porter
bon et loyal tesmoinage de verite en temps

.....
et lieu quant en seront requis et a moy
not(aire) luy en retenir acte et instr(ument) ce qu()ay
faict en presances de jean jacques cordonier
andre vernheres menuisier arnauld boneville
talhantier de()villemur jehan borrel ramond
grinde de bondigoux nycolas molyne arnauld
garbis de villemur tesmoings a()ce requis et
appelles / lesd(its) garbis vernhere et boneville
se sont signes a la cede les au(tr)es on(t) dict ne
scavoit signer et de moy jehan richard
not(aire) dud(it) villemur qui requis de()ce
dessus ay retenu le presant instrum(ent) en foy
de quoy me suys soubz signe

Richard, not(aire) r(o)yal